

雜識序

荀卿曰多而雜曰耗誠懼其紛也懼其不純也然物有相雜而成文者矣誠使其說稍遠於躡駁鄙僊或於事理猶切及可為援据者昔之人亦嘗過而存之若春秋有外傳莊生有雜篇是也今此增輯凡循誦習傳確然可證者既已采入各門然其軼猶時時見於他說於義間有補助不忍棄同雞肋輒彙附卷末識者勿嗤為駢拇枝指之類也志雜識

雜記

監利縣志

卷之十二

雜識

三

元泰定元年監利饑 至正九年監利水

明洪武十三年荊州大水 永樂三年監利諸縣江溢

成化十年荊州大水 正德十一年荊州大水 十二

年荊州江水大漲 嘉靖三十九年荊州大水 四十

四年荊州大水 四十五年荊州大水 隆慶三年荆

州大水 萬曆元年荊州大水

國朝康熙十四年湖北大有年 十五年江決郝穴監利

水 二十年江決黃潭監利水 二十三年秋湖北大

有年 二十四年監利水 二十九年監利水 三十

五年監利水 三十六年監利水 四十二年監利水

四十三年監利水 四十四年監利水 四十五年監利水 四十七年監利水 四十八年監利水 五十

三年江決文村監利水 五十五年監利水

雍正四年監利大水 八年湖北大有年 十年湖北

大有年 十一年湖北大有年

乾隆四年荆州大有年 七年監利水 十年荆州有

秋 十一年荆州麥倍收 十二年荆州大稔 十三

年荆州大有年 十四年監利水 二十一年監利水

二十六年監利水 二十九年監利水 三十二年監

利水 三十四年監利水 四十三年監利水 四十

監利縣志

卷之十二

雜識

器

五年監利水 四十六年監利水 四十七年監利水

五十年監利水 五十二年監利水 五十四年監利

水

嘉慶二年監利旱 七年夏監利連日大雨江水驟漲

隄陞漫漶

以上參湖廣通志荆州府志

二十一年秋監利南北垸水

道光三年北院水 七年南北院水 八年北院水

十年南北垸水 十二年稔 十五年大旱飛蝗蔽天久之乃滅

十六年南北垸水 二十年北垸水 二十二年南北垸

水 二十六年七年大稔斗米百餘錢 二十八年南

北垸水

咸豐元年南北垸水 六年旱蝗 九年下垸水 十年下垸水 同治五年南北垸水 七年稔 八年下垸水 九年大水 十年大有年

祥異

齊建元元年郢州監利縣天井湖水色忽澄清出綿百姓採以為纈 齊書祥異志

梁武帝天監十年辛卯春正月騶虞一見荊州華容縣華容即監利也 梁書高祖紀

國朝順治元年荆襄野麥自生不耕而穫民賴以安人謂太平之象 湖廣通志

監利縣志

卷之十二

雜識

畧

康熙元年慶雲見荊州細細五色曉夜不散

湖廣通志

乾隆十五年監利民何名周妻黃氏一產三男 府志

嘉慶四年二月大雨如注平地水深數尺有龍自吳王

廟出寺中無恙惟面牆稍損雨止視之乃知從神座下

出也 嘉慶五年地震 十四年雨豆色黑

道光四年二月十五日螺山雷擊楊姓山園古桑裂為

數段搜室中牆壁殆遍牆及階石皆有痕如鷹爪深入

者半寸許圍外巨石如船大攝去不見

道光十二年春夏之間大疫死人無算是年驚蟄聞雷

穀大稔雖淤泥荒坑未種者皆結穗成團北垸稔子尤

多人賴以活

道光二十八年五月有龍八九見於洪湖中晝夜大雨江水平隄新興垸人在堤搶築夜半見江中有白痕長數丈火光灼灼照江萬民跪拜禱祝忽白痕蜿蜒上湧俄而十八工堤潰以爲白龍橫江也

道光二十九年螺山圯

道光三十年二月地震

咸豐元年正月一日龍見

咸豐四年正月兩日相盪日下數丈或見如月魄者八九年合乍離

監利縣志

卷之十二

雜識

吳

咸豐十一年秋彗星見光芒十數丈

咸豐十一年二月雨水冰經三日乃解六日王家冲王姓家鷄卵內有物龍首蛇身細如蚯蚓

咸豐十一年五月十三日螺山市中楊姓堂下有物如白練濶僅三寸自雲中下垂屬地羣兒戲以手捫之柔膩如綿繫者漸多忽然中斷羣兒大駭室中人出猶見之俄而斷者自續因風天矯稍捲爲毬形徐徐引上遂滅當所縈拂處地如焚經半月痕乃漸消殆所謂天投蛻也同日市中顧姓亦有羣兒戲庭中仰見天門開炸裂有聲其內樓臺車馬人物不絕兒大呼人出視之則

漸合俄頃不見

同治元年正月雪皆六出中有圓孔片片皆同

同治元年九月十八日夜半月暈雲現五色绚烂如錦逾時乃收

同治三年夏秋之間人家鷄毛有片片如剪斷者莫解其故

同治四年二月初五夜雨豈色黑摩之膚青色不可食同治四年二月竹開花四出色紅如桃花三月王刑部園有白雀見尾長二尺餘

人事

監利縣志

卷之十二

雜識

畢

乾隆五十三年有虎渡江入螺山市募力士覃姓捕斃之

世記胡廣本姓黃五月五日生父母惡之置甕中流於江湖公取之養為己子後登台司

上清觀有壺天禹跡四字八分書後註唐鄂國公尉遲敬德題揭之匾額歷代修治如新

按敬德曾為襄陽都督故此有遺蹟

鱒魚四月初上至白螺磯即不復上故白螺四月初得食鱒魚

朱家河大麴米酒以麴為麴不配藥物故多飲不受酒傷釀以朱河之水清香異常入喉滑膩無辛辣之氣漬

之以蜜名蜜那金味尤甘美但遇名公稱揚中山醅耐未足多也惜名未遠播無由與山西汾潞浙江紹興並驅於要津也

孝廉周名英字含菴素履清介老而彌峻道光辛卯大水饑殍不給有除夕詩云順治康熙雍正寶乾隆嘉慶道光錢貨來糴得雙弓米煮粥糊羹也過年邑侯唐樹義聞之贈以錢米諸物先生乃以度荒此可見唐侯之高義先生之介節

王家冲王刑部宅園內有古槐一株大可數圍近根有冬青一株亦百餘年物數幹盤曲相抱合生爲一所謂監利縣志

卷之十二

雜識

吳

連理木也

五日競渡裴家池最盛爲龍鳳二舟城內人家分爲二曹各有定屬以繒絲玻璃爲旗斗圍池畔徧插之又插旗斗於池中二洲彩色炫耀快人觀覽岸上立臺金鼓喧闐插標旗近池人家構小臺士女靚妝艷服坐以觀之每船撓着力時岸上呼噪助勢手揮扇傘如雲先登者得標凡三五日將罷時復闐爆火編火爆爲旗燃之轟天至暮乃止甚盛觀也惟勝負已分勝者攘臂豪誇負者亦強顏稱勝雖婦孺亦然未免陋習耳

合尚坑有乾姓凡百餘家其先子胥十七世孫名承祚

開祚承祚仍姓伍開祚姓乾云子胥奔吳時有問姓者以手指天乾爲天故姓乾

鷄鳴渡劉光表宅後有枯梅一株古物也同治四年春花開三度

朱材哲字丹園以部郎之任臺灣聞其地無棉花菜椒攜二種往教其人種植菜椒成大樹四時結實食椒棉花長成結實如指頭大不可取絨後棉亦成大樹不復結實此二樹未知在彼何名若以遺愛論之當呼爲朱公樹

余賡颺字葵階爲諸生時夢一對聯云日照烏飛月明

監利縣志

卷之十二

雜識

吳

兔走日月高懸烏兔仰九天光彩龍吟雲起虎嘯風生龍虎變化雲風慶千秋遭逢以道光戊戌進士任陝西三原知縣有保城禦賊功擢知乾州遭逢未可量也

李文培號鯤池嘉慶丁卯鄉試簾官就寢夢一女子往來榻前問何人曰吾乃賓三姑娘醒時取遺卷閱之面一卷賓字三號卽薦中式揭曉謁房師問其故云其祖曾於荒年見有鸞妻以償債者夫婦號哭憫之爲代償其債復得完聚事載科名顯報

嘉慶十六年制軍汪稼門開監利新河以消北垵積水河成於福田寺建石碑制軍勒石詩云古寺由來號福

田誰教萬頃水連天同時啟閉須重輝可挽沉淪二十年意謂挽以前之沉淪也然自建開以來得利者垂二十年自後崩廢難修人以爲詩讖

萬三姑監利北鄉民家女父母歿弟幼家素豐叔某利其有屢欲死其弟三姑防護周至不獲乃以計誘雇工吳某入三姑室已跡之執吳誣其有姦乃褫二人衣合縛沉諸水越日網得之三姑僵尸猶以兩手拒吳吳父鳴於官官弗察復上控太守周鍾瑄復鞫得其情驗三姑尸如生

府志

欽定四庫全書總目詩類 讀詩私記二卷明李先芳撰

監利縣志

卷之十一

雜識

辛

先芳字伯承號北山監利人寄籍濮州嘉靖丁未進士官至尙寶司少卿明史文苑傳載王世貞所定廣五子

謂當時詩人所載五子亦不止一類

先芳其一也是書成於隆慶四年所

釋大抵多從毛鄭毛鄭有所難通則參之呂氏讀詩記嚴氏詩輯諸書其自序曰文公小序不得小雅之說一舉而歸之刺馬端臨謂文公不得鄭衛之說一舉而歸之淫胥有然否不自揣量折衷其間云云蓋不專舉一家者故其議論平和絕無區分門戶之見如說鄭風子衿仍從學校之義則不取宋學謂國風小雅初無變正之名則不從漢說至楚茨南山等四篇則小序與集傳

之說並存不置可否蓋小序皆以爲刺幽王義有難通而集傳所云又於古無考故闕所疑也雖援据不廣時有闕畧要其大綱則與鑿空臆撰者殊矣朱彝尊經義考載先芳有毛詩考正不列卷數注曰未見而不載此書其爲一書兩名蓋不可考然此書亦多辨定毛傳或彝尊傳聞未審誤記其事與

張之珩康熙戊戌進士幼就傅姿性頗鈍而刻苦自勵每讀文一篇輒諷詠數日或損壞更爲鈔寫嘗學於妻父柳孝廉適家值端午日妻母饋以角黍及麪餅盛糖於盤適當沉吟苦思之時誤蘸硯中墨汁以食暑夜家

監利縣志

卷之十二

雜識

十一

僮獻茶以手摸背蚊血紅盈掌其好學勤苦類如此北關外彭家淵李姓祖墳遺有檀樹七株其發榮滋長能驗年歲豐歉或一夕一二株發葉或一夕三四株發葉或一夕齊發大約少發年豐多發歲旱齊發主水自明迄今已數百年往往徵應不爽

胡象龍生於康熙時雄才偉筆同輩鮮與爲敵身旣不遇後嗣又不振故其所作流傳者多而未付諸梓嘗於黃鶴樓賦詩云秋色凭欄入畫圖神仙何必數方壺兩峯挾漢南肩楚一疋長江東走吳酒價騰高思鶴舞笛音飄渺倩風呼長甯明月一輪滿俯看奔濤興亦孤有

某中丞見之深賞兩峯挾漢一聯之雄傑推爲才子之最而以興亦孤卜其後起之無人謂亦字當改不字并移文監利訪其後裔果皆務農度日世深服中丞之高識然就本詩論不字究不及亦字之有神韻

宋楊震醴陵人知監利縣立決疑獄辟荆湖制置幹帥呂文德嘗試以兵事口占授吏頃刻成案文德驚服卽薦除通判江陵府庶務叢集震隨事裁決處之泰然暇日詣郡庠與諸生講學又取隸官間田增益廩稍選民之強壯者農隙訓練之親閱試行賞激勵皆獲其用

通志

見

監利縣志

卷之十二

雜識

五二

博證

尙書疏證第九十六云雲夢在周官可名曰澤藪唐虞時不爾何以見之果爲荊州之澤也則與兗之雷夏徐之大野揚之彭蠡及震澤豫之滎及波潁澤及孟豬雍之豬野也一例經文當書曰澤曰豬曰底定或導或被矣豈得曰土如桑土曰作如大陸曰又如蒙羽及岷嶓也哉旣書曰土曰作又其非爲水之鍾也明甚善乎邱文莊寶曰雲夢澤與非澤也果宜澤而土焉而又焉其將能乎縱能之其得謂行所無事乎周職方氏澤之可也余因數禹治水成功至周公作禮時凡一千一百六

十九年時代有改易陵谷有變遷其不得以後之概前
今之格古也如此 按自周至今澤之變而爲土者多
矣又豈得執周以繩之哉

雲夢通渠又見全祖望經史問答郭景其曰西方則通

渠漢水雲夢之野見史記何也此事在諸書直無可考

全謝山答地志曰南郡華容縣雲夢澤在南夏水首受

江入沔水經注有夏水篇然不及通渠事惟皇覽曰孫

叔敖激沮水作雲夢大澤之地蓋指此雲夢已見於禹

貢固非孫叔所作但引沮水以入之所謂通渠者也漢

水一名沮水斯足補水經之遺

監利縣志 卷之十二 雜識 三

漢應邵風俗通荆州曰雲夢在華容縣南今有雲夢長

掌之 按雲夢長他書未見

乾溪即乾港府志引証甚詳或遂以爲楚靈王辱於乾

溪之乾溪則謬左傳昭十二年楚子次於乾溪在譙國

城父縣南與監利何涉

舊志方輿中謂揚水注子胥瀆厯天井今名天井垵引

水經注以証之不知子胥瀆與天井皆在江陵不在監

利水經注言之甚明觀者未之詳也

監利縣在漢名華容在晉名監利在隋亦名監利見荆

州府志沿革岳州之華容縣本漢孱陵縣地晉分置南

安縣隋更名華容見禹貢錐指則兩華容之不容相混
明矣陳壽三國志魏武帝紀注山陽公載記曰公船艦
爲備所燒引軍從華容道步歸而華容志乃列其事爾
時岳州何嘗有華容乎至有引關公釋曹入詩者是用
演義中華容攬曹事非大雅之所取矣

監利縣志

卷之十二

雜識

五

